



Broj: **03/1-50-14-7-35-9/17**

Sarajevo, 8. 5. 2017.

**PREDMET:** Informacija o učešću na Godišnjoj konferenciji o obuci u OSBiH, 28.2.2017.

Predsjedavajući Zajedničke komisije za odbranu i sigurnost BiH Sifet Podžić i parlamentarni vojni povjerenik BiH Boško Šiljegović učestvovali su u radu Godišnje konferencije o obuci Oružanih snaga BiH (OSBiH), održane 28.2.2017. u Sarajevu.

Na Godišnjoj konferenciji na kojoj su, osim predstavnika Parlamentarne skupštine BiH, učestvovali i zamjenici ministrice odbrane BiH Sead Jusić i Boris Jerinić, načelnik Zajedničkog štaba OSBiH general- pukovnik Ante Jeleč s generalskim korom, kao i komandanti komandi i jedinica OSBiH, analizirani su rezultati obuke OSBiH u 2016. godini.

Tokom konferencije, generali i komandanti jedinica i komandi naglasili su da su u 2016. godini postignuti dobri rezultati u procesu obučavanja pripadnika OSBiH. Ipak, upozoreno je na to da je oprema kojom OSBiH raspolaže za izvođenje obuka zastarjela, te naglašeno da su postojeća budžetska sredstva nedovoljna za ovaj veoma značajan vid aktivnosti OSBiH. Isto tako, istaknuta je i potreba dodatnog ulaganja u infrastrukturu neophodnu za izvođenje obuke pripadnika OSBiH.

Rečeno je da su Oružane snage BiH u procesu obučavanja svojih pripadnika ostvarile veoma dobru saradnju s Komandom EUFOR-a u BiH, uz konstataciju da je EUFOR najznačajniji partner OSBiH u njihovim daljnjim nastojanjima da dostignu potrebne standarde i interoperabilnost u budućem obučavanju i usavršavanju.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a